

ILEQQUUSUMIK KOMMUNALBESTYRELSEP ATAATSIMIINNERA
02. November 2009 NAL. 11.00

Peqataasut:	Jess Svane, siulittaasoq, (S)	Ole Zeeb, (K)
	Palle Jeremiassen, (S)	Thomas Petersen, (K)
	Jens Danielsen, (S)	Karl Markussen, (A)
	Bernhardt Olsen, (S)	Jens Immanuelson, (A)
	Ove Berthelsen, (S)	Timooq Mølgaard, (A)
	Apollo Mathiassen, (S)	Ane Lone Bagger, (D)
	Timothæus Petersen, (S)	Niels Kristensen, (IA)
	Kristian Jeremiassen, (S)	Peter Olsen, (IA)
	Otto Jeremiassen, (S)	Bendt Kristiansen, (IA)
	Karl Kristian Kruse, (S)	Edvard Kristiansen, (IA)
		Jens Madsen (IA)
Imaqarniliortoq:	Henrik Rafn	
Aggersakkat:	Sigvard Hvidsteen	
Oqalutsit:	Johanne Nielsen,	
Ingerlanneqarfia:	Ilulissat, Oqarasuaatikullu Hotel Arctic.	

KOM QULEQUTAQ

09-1085 Qeqertarsuarni qilalugarniarnissaq.

Tapil.

001

Aalajangiussaq:**Akuerineqarpoq.**

Suliaq nr.	KOM 09-1085	Tapil. nr.	001	Journal nr.	
Qulequtaq	Qeqertarsuarmi qilalugarniarnissaq				

Suliap saqqummiunneqarnera:

Naalackersuisut qilalukkanut qaqortanut qernertanullu atuutitinneqartussamik pisasseeriaatsimik nutaamik atuutsitsilerput.

Pisassiissutit ukiunut pingasunoortut 2009-miit 2012-imut atuutitinneqalerput. Kalaallit Nunaata Kitaanut qilalukkat qaqortat 310-t qernertallu 310-t pisassiissutigineqarput. Taamatut aamma Tunumut atuutitinneqartussamik ukiunut tulliuuttunut pingasunut ukiumut qernertat 85-t pisassiissutigineqarput.

Pisassiissutinik inaarutaasumik agguaaneq (matumuuna pisassiigallarnernik atorunnaarsitsisoq) tabel-imi ataaniittumi takuneqarsinnaavoq.

Kalaallit Nunaata kitaani		
Sulianik ingerlatsivik	Qilalukkat qaqortat 2009-2010 (amerlassutsit)	Qilalukkat qernertat 2009-2010 (amerlassutsit)
Qeqertarsuaq	18	21
Ilulissat	40	2
Qasigiannuit	5	4
Aasiaat	12	23
Kangaatsiaq	20	9

Qeqertarsuaq:

Qeqertarsuarmi qilalugartassiissutaasartunik ukiuni kingullerni pingasuni agguaassisarneq ima ingerlanneqartarsimavoq:

Ukioq pisassiiffiusoq 2006-2007 inuuss. piniartunut 75% saniatigooralugu pinialuttartunut 25%

Ukioq pisassiiffiusoq 2007-2008 tamanit ataatsimut pisarineqarsinnaallutik, kisianni Naalackersuisut qernertanik pisasseeqqinneranni inuuss. piniartunuinnaq pisassiissutigineqarput.

Ukioq pisassiiffiusoq 2008-2009 tamanit ataatsimut pisarineqarsinnaallutik, kisianni Naalackersuisut qernertanik pisasseeqqinneranni inuuss. piniartunuinnaq pisassiissutigineqarput.

Qilalugartassiissutit pillugit tusarniaanermi soqutigisaqaqatigiinnit akissutigineqartut innersuussutigissagaanni:

-Inuussutissarsiutigalugu piniartut akissutigisaminni oqariartuutigaat pisassiissutit tamarmik Inuussutissarsiutigalugu piniartunut tunniunneqassasut. Taamatut kissaateqarnerminnut ilaatigut tunngavilersuutigaat ukiuni kingullerni Qeqertarsuarmi piniartutut inuuniarneq ilungersunartorsiorfiugaluttuinnarsimammata aammalu tamatuma kingunerisaanik piniartut inuuniumminnik unitsitsisut arlaqalersimammata.

-Tapertaralugu piniartartut akissutigisaminni oqariartuutigaat pisassiissutit avitseqatigiilluni

piniarneqassasut aamma taamaassasoq assersuutigalugu tuugaat avitseqatigiissutigineqartassasut. Tapertaralugukku avitseqatigiinnissamik noqqaassuteqarnerminnut ullumikkut avannaani sulisartutut inuuniarnerup akitsoraluttuinnartup ilaatigut qilalukkanit neqissaqarniarnikkut oqilisaassiffigineqartarnera tikkuarpaat.

Kangerlummi inuussutissarsiutigalugu piniartut tusarniaanermut akissuteqanngillat.

Ullumikkut Qeqertarsuarmi Kangerlummilu piniarnermut allagartallit ima agguataarsimapput:

Inuussutissarsiutigalugu piniarnermut allagartallit; Qeqertarsuaq 34-t missaanni Kangerluk 6-t missaanni.

Saniatigooralugu piniarnermut allagartallit Qeqertarsuaq 170-it missaanni Kangerluk 0.

Inatsisitigut toqqammavigisat:

Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersoq.

§ 5. Sunngiffimmi piniarnermut aallaaniarnermullu akuersissutit piniakkanut killilersukkanut inunnut Kalaallit Nunaanni najugalittut inuit nalunaarsorsimaffiannut nalunaarneqarsimasunut qinnuteqarnikkut tunniunneqarsinnaapput, qinnuteqarfissaq sioqqullugu Kalaallit Nunaanni najugalittut ukiuni qaangiuttuni marlunni nalunaarsorneqareersimasunut.

Qilalukkat qanortat qernertallu

Nalinginnaasumik piffissaq piniarfissaq tassaavoq 01.07.-miit 30.06.-imut. Taamaattoq piaqqat arnavissallu piaqqisartut ukioq naallugu eqqissisimatitaapput. Piffissaq taaneqartoq tassaavoq Kitaani killilersukkamik piffissaq piniarfissaq. Naalakkersuisut ukiumut pisassiissutinik aalajangiisarpud. Tunumi, qilalukkat qarotat qernertallu atuuttumik inuussutissarsiortutut sunngiffimmilu aallaaniartartutut atuuttumik allagartalli qilalugarniarsinnaaffianni, pisassat killiligaanngillat. Taamaattoq Tunumi Pinngortitamik Eqqissisimatitsivimmud Qimusseriarsuarmilu pinngortitami eqqissisimatitamut tunngasumik immikkut ittumik nalunaaruteqarpoq.

Aningaasatigut malitsigisinnaasat:

Toqqaannartumik aningaasatigut soqanngilaq.

Inassutigineqartoq:

Qeqertarsuaq:

Ukioq pisassiiffiusoq 2008-2009 tamanit ataatsimut pisarineqarsinnaallutik, kisianni Naalakkersuisut qernertanik pisasseqqinneranni inuuss. piniartunuinnaq pisassiissutigineqarput.

Tapiliussaq:

Tunuani takuneqarsinnaapput.

Aalajangiussaq:

Taasinerit 13-nit isumaqataasut, ataaseq akerliusoq, tallimat taasiffiunngitsut, kommunalbestyrelsep aalajangerpaa, Qeqertarsuarmiunut pisassiissutit ataatsimiittitaliap inassuteqaataatut pisassiissutigineqassasut ukiup 2009/2010-llu nikinnissaasa tungaannut. 1.januar piniagassat ataatsimoorunneqalissapput soorlu siornagut Qeqertarsuarmi atuussimasoq.

Kommunalbestyrelsittaaq aalajangiuppaa sumiiffinni piniarnermut aalisarnermullu siunnersuisooqatiginnik pilersitsisoqassasoq, taamaasilluni kommunalbestyrelse ataatsimiittitaliallu ataavartut attuumassuteqartullu sumiiffinniit ilisimasalinnit misilittagaqartuniillu susassaqarfik pillugu paasiniaasarsinnaaniassammata.

Atsiorfissaq.